

Protocol no. 109
Sezzüda da lündeschdi, 8 avuost 2011 – 20.00-23.15

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt e
Claudia Luppi (protocol)

Protocol

Il protocol no. 108 da la sezzüda da lündeschdi, 25 lügl 2011 vain approvà.

960 021 FABRICA
Men Zanetti – Prolungaziun per l'adöver da la stalla da giallinas

A regard la dumonda da sar Men Zanetti da pudair prolungar l'adöver da la stalla da giallinas cun suottets fin la fin da december 2014 decida il Cussagl cumünal da dar il permiss.

Il Cumün inchascha üna taxa da trattamaint da fr. 50.--.

961 942.423.05 Fits per terrains cumünals
B.Kreienbühl e G. Fretz – Dumonda per tour a fit ün toc terrain cumünal giò la Chavorgia

A regard la dumonda da duonna Barbara Kreienbühl e sar Gregory Fretz, possessurs da la parcella 248 giò Chavorgia a partir dals 31 october 2011, per pudair tour a fit ün toc terrain cumünal annex lur parcella, decida il Cussagl cumünal seguaintamaing: Il Cumün es pront da dar a fit ün toc terrain annex lur parcella a cundiziun cha la senda chi maina da Chasellas vi la Funtana resta transibla pel public e ch'ella saja eir evidainta sco senda publica. Ün contrat da fittanza po però gnir stipulà pür cur cha'l lö precis per la staziun da trafo previsa giò Chavorgia es cuntshaint. Per intant po il Cussagl cumünal conceder be l'acconsentimaint provisoric per la fittanza dal terrain.

962 021 FABRICA
R. Bayerl – Dumonda da princip per ün proget per ün'instituziun terapeutica per umans cun bes-chas sco mezs da terapia.

Duonna Dr. med. Ruth Bayerl chi ha a partir dal mais november 2011 üna piazza sco meidi directiv per anestesia pro'l Center da sandà Engiadina Bassa fa üna dumonda da princip per metter ad ir sülla parcella da la stalla da Roland Defilla ün'instituzin terapeutica per umans cun integraziun da bes-chas (asens e bescha) sco mezs da terapia. Al Cussagl cumünal para quist proget interessant sco sporta terapeutica in cumün o illa regiun. El es però da l'avis cha duonna Bayerl respectivmaing l'eventual vendader da la parcella e da la stalla stuvesan il prüm sclerir pro'ls uffizis respunsabels, scha la vendita da la parcella e l'ingrondimaint dal stabel per ün scopo na unicamaing agricul es tenor ledscha e dret funsil insomma pussibel.

Il Cumün pudess però spordscher man per chattar ün lö plü confuorm a la zona per l'intent previs, per exaimpel oura Pozzet.

Il Cussagl cumünal decida da responder a duonna Bayerl in quel sen e da spettar giò la dumonda per ün proget concret.

963 830

TURISSEM

Maria Chatrina Davaz - Permiss d'ustaria Chasa Veglia

Sün dumonda da duonna Maria Chatrina Davaz per ün permiss d'ustaria per manar il restorant Chasa Veglia decida il Cussagl cumünal da dar il permiss tenor art. 3 da l'uorden d'ustaria sco segua:

- | | | |
|----|--------------------------------|------------------------|
| 1. | Persuna responsabla: | Maria Chatrina Davaz |
| 2. | Descripziun da las localitats: | Restorant Chasa Veglia |
| 3. | Dürada: | Illimità |

Il Cumün inchascha tenor art. 12 dal uorden d'ustaria üna taxa da fr. 300.-- per quist permiss.

964 210

SCOULA PRIMARA

Pro Idioms – Dumonda per sustegn finanziel per la stampa d'ün mez d'instrucziun i'ls idioms.

La Pro Idioms fa la dumonda per ün sustegn finanziel vi da la stampa dal cudesch nouv da matematica pel s-chalin bas. La Pro Idioms vulesch spordscher il mez nouv da matematica fingià per l'on da scoula 2011/2012 i'ls idioms. Dal Departamaint d'educaziun es il mez nouv per l'instrucziun gnü declerà sco oblicatoric per l'on scolastic 2011/12, ma l'ediziun i'ls idioms es dal Chantun oura prevista pür pel l'on da scoula 2012/13, uschè cha la scoula da Sent vess stuvü lavurar amo ün on cul mez vegl chi nun es vairamaing plü admiss opür chi's vess stuvü cumprar il mez in Rumantsch Grischun chi nun es lingua d'instrucziun in nossa scoula. La scoula da Sent ha decis d'introdüer il cudesch nouv da matematica pel prossem on da scoula ed ha postà il mez in Vallader. Per güdar a la Pro Idioms da cuvernar ils cuosts per la stampa dal cudesch da matematica decida il Cussagl cumünal dar üna contribuziun da fr. 1000.—vi dals cuosts restants da fr. 16'000.--.

965

720 ALLONTANAMAIN D'IMMUNDIZCHAS

Nouv concept da ramassamaint d'immundizchas

Il Cumün prosegua fingià plü lösch ün nouv concept da deponias d'immundizchas. Cun la deponia nouva da Curtin chi as rechatta in vicinanza da la butia da Plaz sper la chasa da la famiglia Gertz es a partir dals 26 avuost 2011 averta eir la terza deponia drizzad'aint cul sistem da cuntgnaröls suotterrans, ün sistem chi as verifichescha eir in oters lösch in Svizra.

Fich gronds cuosts chaschuna però il ramassamaint da las immundizchas causa chi nu vain quintà pels cuosts be la tonnascha d'impersai eir il temp pel ramassamaint e quel temp es a Sent il factur decisiv chi dozza ils cuosts per tonnascha uschè ferm cha'ls cuosts pel ramassamaint d'immundizchas sun a Sent per bainquant plü ots co in oters cumüns in Engiadina Bassa. Il schef d'immundizchas ha analisà quistas cifras ed es gnü a la conclusiun cha bier temp dovran ils camiuns d'immundizchas cun chargiar il rument in plüssas deponias a Sent ed illas fracziuns ed impustüt cun chargiar ils differents containers privats o d'affars. Culla taxa da sach e cullas plombas dals containers sun pajats ils cuosts per l'allontanamaint da las immundizchas svessa ma na il temp dal ramassamaint. Quels cuosts van a charg da la generalità, voul dir dal Cumün.

Per pudair sbassar ils cuosts dal ramassamaint ha il Cussagl cumünal decis d'organisar il ramassamaint d'immundizchas tenor ün concept plü efficiant:

In Cumün vegnan mantgnüdas be amo las trais deponias cul sistem da cuntgnaröls suotterrans a Tuols (lavoratori), Curtin (sper la chasa da la fam. Gertz) e Davò Stron (chà da parcar). Privats nun ha plü la pussibità d'avair ün agen container chi vain svödà. Affars pon avoir eir in avegnir ün container, scha quel vain stumplà al di dal ramassamaint a'l lösch indicà dal Cumün. Ils cuosts pel temp da ramassamaint pel container van a charg da l'affar chi voul avoir ün container. Tenor l'analisi da cuosts cuosta quel servezzan bundant fr. 1'000.--l'on.

966 935.410.01 Rechav chava Panas-ch Sura
Contrat da concessiun Panas-ch Sura

Il contracts stipulats cun l'Uina SA per la deponia da Panas-ch Sura ston gnir renovats. Il schef da planisaziun preschianta la ledscha da deponias, il contrat da concessiun ed il dret da fabrica chi sun gnüts revis ed adatats. Il Cussagl da cumün decida da trattar cun l'Uina SA sur dals contracts adatats e da tils preschantar lura a la radunanza cumünala d'orientaziun avant co suottametter a la radunanza d'urna.

967 012 EXECUTIVA
Documainta da vuschar per las elecziuns

Il Cussagl cumünal decida da metter pro la documainta da vuschar üna missiva. La proposta pel text da la missiva vain approvada.

968 012 EXECUTIVA
Plan da termins

Causa chi sun avantman plüs affars chi han da gnir suottamiss a la radunanza per la decisiun opür chi han da gnir preschantats a la radunanza per la votumaziun a l'urna, metta il Cussagl cumünal sü ün plan da termins.

969 VARIA

Il capo da liber la tractanda varia da la quala nu vain fat adöver.

970 Cumpletaziun da protocol
Protocol no. 107 dals 11 lügl 2011, tractanda no. 941

In connex cul spostamaint da l'access pro la dita Schweizer vuless il Cussagl cumünal precisar il protocol seguaintamaing: Tenor contrat avess l'access surnomnà d'esser transibel permanent per la dita Schweizer. Cun ün acces cumünaivel cul plazzal da sport nu po il passagi liber gnir garanti adüna. Per pudair garantir ün access liber d'impedimaints, ha il Cussagl cumünal decis da til spostar e da dar liber pel spostamaint ün credit da fr. 16'500.--.

L'actuara: